

豫河續志

陳善同題
卷十二

豫河續志卷十一

沿革第二之十一

沁工

沁水不見於禹貢自漢以前未之間鄆氏水經注謂即春秋之少水鄭氏通志謂沁水一名少水左傳襄公二十三年齊侯伐晉封少水是也秦時開渠以溉民田魏司馬孚重修之晉武帝時與河洛伊同時並溢隋唐之間開永濟利民等渠以資灌溉盧賁李元淳溫造其尤著者也元明以來潰決之患遂不絕書所謂利者不及其害之大有清之於沁工設專官耗國帑幾與黃河並視矣遷流之蹟今昔不同略即往籍之所載者詮而次之以備省覽

源流

桑欽水經沁水出上黨涅縣謁房山

酈註沁水即涅水也或言出穀遠縣羊頭山世靡谷三源奇

注逕瀉一隍又南會三水厯落出左右近溪參差翼注之也

南過穀遠縣東又南過隋氏縣東

按隋氏屬上黨猗氏屬河東原本及近刻隋並訛作猗注

內同今改正孫校曰元和志翼氏縣本漢隋氏縣地沁水在縣東一里

沁水又南經隋氏縣故城東沁水又南厯隋氏關又南與羈

羈水合水出東北巨駿山乘高瀉浪觸石流響世人因聲以

納稱西南流注於沁沁水又南與秦川水合水出巨駿山東

帶引衆溪積以成川又西南逕端氏縣故城東其水南流入

於沁水

又南過陽阿縣東

沁水南逕陽阿縣故城西魏土地記曰建興郡治陽阿縣郡西四十里有沁水南流沁水又南與濩澤水合水出濩澤城白澗嶺下東逕濩澤應劭曰澤在縣西北又東逕濩澤縣故城南蓋以澤氏縣也其水際城東注又東合清淵水水出其縣北東南逕濩澤城東又南入於澤水澤水又東得陽泉口水出鹿臺山刊誤曰出山上落水字山上有水淵而不流其水東逕陽陵城南水厯嵯嶢山東下與黑嶺水合水出西北黑嶺下即開澄也其水東南流逕北鄉亭下又東經陽陵城東南注陽泉水陽泉水又南注濩澤水濩澤水又東南有上澗水注之水導源西北輔山東逕銅于崖南厯析城山北山在濩澤南禹

貢所謂砥柱析城至於王屋也下有二泉東濁西清其水自山陰東入濩澤水濩澤水又東南注於沁水沁水又東南陽阿水左入焉水北出陽阿山南流逕建興郡西又東南流逕午壁亭東而南入山其水沿波激石瀨澗八丈環溝轂轉西南流入于沁水沁水又南五十餘里沿流上下步徑裁通小竹細筍被于山渚蒙龍茂密奇爲翳薈也

又南出山過沁水縣北

沁水南逕石門謂之沁口魏土地記曰河內郡野王縣西七里有沁水左逕沁水城西附城東南流也石門是晉安平獻王司馬孚爲魏典農中郎將之所造也按其表云臣孚言臣被明詔興河內水利臣旣到檢行沁水源出銅鞮山屈曲

周迴水道九百里自太行以西王屋以東層巖高峻天時霖
雨衆谷走水小石漂迸木門朽敗稻田汎濫歲功不成臣輒
按行去堰五里以外方石可得數萬餘枚臣以爲累方石爲
門若天陽旱增堰進水若天霖雨陂澤充溢則閉防斷水空
渠衍滂足以成河雲雨由人經國之謀暫勞永逸聖王所許
願陛下特出臣表敕大司農府給人工勿使稽延以贊時要
臣孚言詔書聽許於是夾岸累石結以爲門用代木門枋故
石門舊有枋口之稱矣溉田頃畝之數間二歲月之功間二
當作事見門側石銘矣其水南分爲二水一水南出爲朱溝
水沁水又逕沁水縣故城北蓋藉水以名縣矣春秋之少水
也沁水又東逕沁水亭北沁水又東石合小沁水水出北山

臺淳淵南流爲臺淳水東南入沁水沁水又東倍澗水注之水北出五行之山南流注於沁水

又東過野王縣北

沁水又東邗水注之水出太行之阜山即五行之異名也其水南流逕邗城西邗水又東南逕孔子廟東邗水東南逕邗亭西其水又南流注於沁沁水東逕野王縣故城北沁水又東朱溝枝津入焉又東與丹水合水出上黨高都縣故城東北阜下俗謂之源源水山海經曰沁水之東有林焉名曰丹林丹水出焉卽斯水矣丹水自滎東北流又出而東注左會絕水地理志曰高都縣有莞谷丹水所出東南入絕水是也絕水出絃氏縣西北楊谷故地理志曰楊谷絕水所出東南

流左會長平水水出長平縣西北小山東南流逕其縣故城
其水東南流注絕水絕水又東南流逕泫氏縣故城北絕水
東南與泫水會水導源縣西北泫谷東流逕一故城南又東
南經泫氏縣故城南而東會絕水亂流東南入高都縣右入
丹水丹水又東南流注於丹谷丹水又逕二石人北丹水又
東南歷西巖下丹水又南白水注之水出高都縣故城西所
謂長平白水也東南流歷天井關白水又東天井溪水會焉
水出天井關北流注白水世謂之北流泉白水又東南流入
丹水謂之白水交丹水又東南出山逕鄴城西丹水又南出
而西轉兌溝水出焉丹水又西逕苑鄉城北南屈東轉逕其
城南東南流注於沁謂之丹口沁水又東兌溝水注之水首

受丹水東南流界溝水出焉又南入沁水沁水又東南流逕成鄉城北又東逕中都亭南左合界溝水水上承兌溝東南流長明溝水出焉又南逕中都亭西而南流注於沁水也

又東過州縣北

漢志河內郡州縣

縣故州也

左傳昭公三年晉以州田賜鄭公孫段

有白馬溝水注之水首受白

馬湖湖一名朱管陂陂上承長明溝湖水東南流逕金亭西分爲二水一水東出爲蔡溝一水南注於沁也

又東過懷縣之北

縣北有沁陽城沁水逕其南而東注也

又東過武德縣南又東南至漿陽北東入於河

沁水於縣南水積爲陂陂結數湖有朱溝水注之其水上承

沁水於沁水縣西北自枋口東南流奉溝水右出焉又東南流右泄爲沙溝水也其水又東南逕野王城西屈逕其城東而北注沁水朱溝自枝渠東南逕州城南又東逕懷城南又東逕殷城北朱溝水又東南注於湖湖水右納沙溝水水分朱溝南派東南逕安昌城西沙溝水又東逕隰城北又逕殷城西東南流入於陂陂水又值武德縣南至滎陽縣北東南流入於河先儒亦咸謂是溝爲濟渠故班固及闕駟並言濟水至武德入河蓋濟水枝瀆條分所在布稱亦兼丹水之目矣

清通志沁水源出山西沁州沁源縣北之縣山東南流經縣南又南經屯留縣西岳陽縣東又南經沁水縣東有海河來會又

東南經澤州府城西北陽城縣東有澤河來會又南入河南界
經懷慶府北境有廣濟河支津來會又北有大丹河水自潞安
府經高平陵川鳳臺諸縣合諸水來會又東經溫縣北至武陟
縣東入黃河

水道提綱沁水源出山西沁州沁源縣北之縣山車家嶺俗曰
水谷河東南流其東源出琴谷者自東北來會經縣上鎮南又

南經陽城村西南官軍鎮東有二小水自東北來會一香果山
水一馬圈

溝西南流有五龍川合浩河自西北來會五龍川出土嶺西山
東南流有浩河出仁

霧山東流經韓洪鎮北郭道鎮南與五龍川會東南流入沁水又南經縣東而南有青龍河自

東來會折西南有西川河自西北來會南流經圍寨鎮西有大
南川自西北來會又南經屯留縣西境岳陽縣東境之高壁村

東有和川自西來會又南經蘇村東衛寨西有邊寨鎮水自東北來注之又西南至端氏鎮南有邢堡水自西北來注之其南即三峽偃月山也又東流一小水自東北來注之又南經沁水

縣東境有海河合諸水自東北來會

海河出沁水縣西之烏嶺關東流北合一水東南流

經縣城北又東南流有固鎮水合一水自西南來會又東有碧峯山水自北來會俗曰大峪溝又東有友泉村水自南來注之東入又東流有海子河玉谿河自東北合來注之折而東南經沁水

澤州西北境至陽城縣東有小水自東來蘆水自西來並會又

南有澤河自西來會

澤河出陽城縣西南境析城山西北之岳神山東北流合一小水折東南流經獲澤

故城南又東流有小水西北自西山來會又南流有桑村河自西來會又東入北

折而東受東北來之

長河水又南流入河南界經懷慶府西北濟源縣北之太行山

東南流經窰頭村南又東南至府西北有一水自西南來注之

東經府城北而東有廣濟河支津自西南穿城而東北流來會

其北受大丹河水水勢益盛

大丹河出潞安府西南山南流至高平縣東北有浮雲河西北來會

南經縣城東又南許河自西來注之有耳白水東北自陵川縣

東北之聖宮山西南流合蒲水來會又南流東受白羊河水又

南經澤州東南境有白河黃沙河西北自州城合而東南會天

井關北水東入丹河又折而東南入河南界經懷慶府北境之

方山東又東南出山流分爲二其東流者曰小丹河東北經修

武獲嘉與衛河合者也其南流者曰大丹河至懷慶府城之東

北入又折而東經溫縣北境至武陟縣城北折而東南流數十

里入河曰沁口

在澗溝村東二十餘里南岸即河陰縣北境也

河南通志沁河源出山西沁源縣穿太行山出濟源縣至懷慶

府武陟縣入黃河

沁河源出山西沁源縣穿太行山出濟源縣經河內武陟入

黃河自濟源大陂界起至河內縣計長七十里又東與大丹

河合而至武陟縣界計長七十里又東流繞武陟城北由東而南北岸計長七十里南岸計長五十五里寬一百六七十丈中皆浮沙淺深無定伏秋水發常虞泛濫

懷慶府志沁河源出山西沁州綿山穿太行達濟源自武陟流經獲嘉縣界東南接新鄉縣界至開封府境入黃河

今按沁河由武陟木樂店直入黃河

明宣德間沁河水溢衝決馬曲灣經獲嘉縣至

新鄉水深成河直指衛輝與衛河合流勢甚披猖爲害下流甚大命工部議築馬曲隄岸嘉靖萬曆間重修清雍正七年十三年屢修初景泰間僉事劉清因運河水淺請引沁入衛都御史徐有貞言不利遂止隆慶間潁丞鄒元明請開衛受沁衛守王天爵議不果行萬曆間督河楊一魁請導沁入衛言有故道給練常居敬有疏闢之按常疏言引沁入衛之害割切詳明後屢有引沁入衛之說咸主常疏確不可易

濟源縣志沁河源出山西沁源縣銅鞮山由澤州入濟源界又

云沁河在縣東北三十里自山西澤州逕本縣流入河內縣界
河內縣志沁水源出山西沁源縣經陽城縣出太行山經濟源
縣東北沙溝村入縣界窰頭村

水北岸爲縣之利下二圖窰頭村其南岸爲濟源縣地齊召
南水道提綱沁水經懷慶府西北濟源縣之太行山東南流
經窰頭村南今窰頭村在紫陵鎮北紫陵鎮在武頭村少東
北以圖言之實皆利下二圖也水入縣以北岸爲先故詳次
水道皆以北岸言之山海經謁戾之山沁水出焉漢書地理志上黨郡穀遠縣羊頭山世靡谷沁水所出按地理志涅水出涅縣沁水出穀遠縣其源自別穀遠蓋今沁源縣地經又言水南出山過沁水縣北沁水縣蓋在今濟源縣東北境

東南經長溝村安泉水入焉

安泉水出陽洛山麓縣西北第一泉也連環五六泉若貫珠然土人名果泉東南流至小王范村屈南流穿村出沁隄依隄東流經長溝村南南流入於沁

按安泉水源出陽洛山下經宋寨窑頭曲折東流至

龍泉村東入沁

沁水南岸爲縣之清下四圍覆背村也

又東南經龍泉村堯池水入焉

堯池水一名安阜河仙人河入陽洛山東仙人口南流七八里磨石嶺當其衝水分爲二一逕東紫陵鎮西一逕西紫陵鎮東各行五六里復合爲一東流入安阜河安阜河出城西北三十里太行山麓捏掌村泉畔有堯廟廟前處處有水掬手可飲匯而東南蒹葭揜映灌田可耕流二十里入於沁沁水南岸西王曲鎮也水道提綱又東南至府西北有一水自

西南來注之

按今城西北並無西南來注之水安阜河自西北來注於沁或南字誤水經注沁水又東經沁

水亭北世謂之

小沁城沁水又東合小沁水出北山臺淳

淵南流為臺淳水東南入沁水按今無所謂臺淳水者縣舊

志古蹟圖即以堯池水為小沁水而府志云小沁城即覆背

村龍泉村在其東堯池水於石出焉與注適合堯池即小沁

水又名臺淳水也水道變

遷古今異名理或然歟

又東經沁陽村邗水注之

邗水出城西北二十里邗泉村土人名葦園泉在邗臺鎮東

南南流十餘里倍澗寺東入沁其流甚微傍泉栽蓮風翻馥

郁堪稱香國

水經注沁水又東倍澗水注之水北出五行之

城西北貝澗山泉出兩山之間南出迤西行俗名石子河南

流數里至衛泉東合堯池與水經注異矣水經注沁水又東

邗水注之水出太行之阜山即五行之異名也水南流逕邗

城西故邗國也城南有邗臺京相璠曰今野王西北三十里

有故邗城邗臺是也漢武帝封李嘉為侯國邗水又東南逕

孔子廟東東南逕邗亭西又南流注於沁府志云今水在邗